

ИНТЕРНЕТДАГИ ТАҲДИДЛАРДАН ОГОҲ БЎЛИНГ!



Бугунги мураккаб даврда Интернетда фойдали маълумот билан бирга зарарли ахборот ҳам кенг тарқалмоқда. Айниқса, имон-эътиқодга раҳна солувчи, дину диёнатга путур етказувчи ва инсонни залолатга бошлайдиган материаллар авж олмоқда.

Айниқса, экстремистик оқимлар ёшларни мутаассиблаштириш ва уларнинг онгига бузғунчи қарашларни сингдириш ҳолатлари кучаймоқда. Бундай қалтис вақтда ёш авлодда ақидапараст ғояларга қарши мафкуравий иммунитетни мустаҳкамлаш ва уларни ғоявий хатарлардан огоҳ этиш долзарб вазифа бўлмоқда.

Шу боис, экстремистик хуружлар хусусиятлари, шундай таҳдидлардан ҳимояланиш йўллари, ижтимоий тармоқлардан фойдаланиш одоблари, оқимлар фаолиятига қонуний баҳо қабиларни мухтасар шаклда баён этиш орқали халқимизни, айниқса, ёшларни замонавий хатарлардан огоҳ этишни лозим топдик.



ЭКСТРЕМИСТИК ХУРУЖЛАР ХУСУСИЯТЛАРИ



– **ДЕЗИНФОРМАЦИЯ (ёлғон ахборот тарқатиш)** – бу усул орқали маҳаллий уламоларни асосиз маълумотлар билан обрўсизлантириш орқали уларга бўлган ишончни сусайтириш;



– **МАНИПУЛЯЦИЯ (омма онгини бошқариш)** – экстремистик ғоялар орқали ёшлар онгини ўз манфаатларига йўналтириш. Айрим давлатларда содир этилган ғалаёнлар (“рангли инқилоблар”, “араб баҳори”) кўринмас кучлар томонидан манфур мақсадга йўналтирилган ахборот хуружининг оқибатидир;



– **РУҲИЙ ТУШКУНЛИКДАН ФЙДАЛАНИШ** – ҳаётда қийналган, турмушда муаммоларга дуч келган кишиларни моддий манфаат эвазига ўз томонларига оғдириш;



– **ИҒВОГАРЛИК, МИШ-МИШ ТАРҚАТИШ** – маълум гуруҳлар ва шахслар томонидан диний соҳадаги ислоҳотлар, диний ташкилотларнинг фаолият йўналишларига, конституцион тузумга қарши ҳаракатларни уюштиришга тарғиб этиш. Буни уюштириш учун ижтимоий тармоқлар, масалан, “Телеграм” да канал очиш, унда сахналаштирилган жараёнларни акс эттириш, обуначилар тўплаш ва кейин уларни тўс-тўполонларга чақириш;



– **Ислом динидаги тушунчаларни бузиб талқин этиш.** Жумладан, “ҳижрат” қилиш, “жиҳод” да иштирок этиш, “шаҳид” бўлиш даъвосида Сурия ва Ироқ давлатларининг уруш бўлаётган ҳудудларига чорлаш ҳамда “манқурт – жангари” ёки “тирик бомба” га айлантириш;



– **ЎЗЛАРИГА ЭРГАШМАГАН БАРЧА МУСУЛМОНЛАРНИ** ва уларни тўғри йўлга чақирган ёки қарши чиққан уламоларни куфрда айблаш;



– **МУСУЛМОН МАМЛАКАТЛАРИДА ЮРТ РАҲБАРИГА ҚАРШИ ЧИҚИШ,** мавжуд тузумга бўйсунмаслик ва давлат тўнтаришини уюштиришни тарғиб қилиш ҳамда тинч аҳолини жорий ҳукуматга қарши гиж-гижлаш.

ТАҲДИДЛАРДАН ҲИМОЯЛАНИШ ЙЎЛЛАРИ

✓ аввало ҳар қандай ахборот-маълумотни таҳлил қилиш, манбалари, муаллифлари ким эканини билиш ва ундан кейин хулоса чиқариш;

✓ ёшларда хабарлар моҳиятига етиш малакасини ҳосил қилиш. Зеро ҳар қандай хабар ҳам тўғри ва холис бўлавермайди. Ҳар бир маълумотни текшириш тўғрисида Аллоҳ таоло шундай дейди: **“Эй мўминлар! Агар сизларга бирор фосиқ кимса хабар келтирса, сизлар (ҳақиқий аҳволни) билмаган ҳолингизда бирор қавмга азият етказиб қўйиб, (кейин) қилган ишларингизга пушаймон бўлмаслигингиз учун (у хабарни) аниқлаб текшириб кўрингиз!”** (*Ҳужурот сураси 6-оят*);

✓ экстремистик кучлар ўз мақсадини амалга оширишда ҳатто Аллоҳнинг каломи ва Пайғамбар алайҳиссаломнинг ҳадиси шарифларини ҳам бузиб талқин қилишдек қабих ишларга алданиб қолмаслик;

✓ юртимиз уламолари, имом-домлалари ва илм аҳллари ҳақида нотўғри маълумот, тухмат ва уйдирмаларни қасддан тарқатилаётгани теран англаш. Чет элларда туриб юртимиз дин пешволари тўғрисида нотўғри, тухмат тарқатадиган шахсларнинг асл қиёфасини билиб олиш;

✓ Фуқароларимиз ватанпарварлиги ва миллий қадриятлар атрофида бирлашишни нотўғри баҳолайдиганлардан сақланиш;



✓ Ахборий хатарлар ва бундай таҳдидларга қарши чин эътиқод билан туриш ва ёшларда бузғунчи ғояларга қарши раддия бериш қобилиятини шакллантириш;

✓ Диний материалларда соф диний ақидалардан оғишганлик, дин асосларини нотўғри талқин этиш, динлараро адоват ва нафрат кўзғатиш каби тарқатиш тақиқланган материалларни “улашиш” маъмурий ва жиний жавобгарликка олиб келишини унутмаслик керак;

✓ Ёшларда медиа макондаги материалларга нисбатан “бу – яхши, бу – ёмон” деган қатъий фикрни пайдо қилиш, яъни мафкуравий иммунитетни ҳосил қилиш;

✓ Ўзбекистон мусулмонлари идораси тизимидаги диний ташкилотлар, соҳа ходимларига оид расмий сайт ва ижтимоий тармоқларидаги ишончли мақолаларни мутолаа қилинг.

ИЖТИМОЙ ТАРМОҚ ОДОБЛАРИ

✓ Аввало ниятни тўғри ва мақсадли қилинг. Расул алайҳиссалом: **«Албатта амаллар ниятга боғлиқдир»**, деганлар (*Имом Бухорий*).

✓ Умр қисқалиги, вақт ғаниматлигини унутманг! Улуғлар: “Вақт қилич қабидир. Агар сен уни кесмасанг, у сени кесади”, деганлар. Барча муваффақиятлар қалити вақтнинг қадрига етишдадир.

✓ Ким билан дўст бўлаётганингизга эътибор беринг! Набий алайҳиссалом: **“Киши дўстининг динида бўлади. Сизлардан бирингиз бир киши билан дўстлашишмоқчи бўлса, (унга) яхшилаб қарасин”**, деганлар.

✓ Дуч келган, ўзингиз танимаган одамлардан илм олишдан сақланг. Динингизни қайси манбадан, кимлардан олаётганингизга эътибор беринг. Муҳаммад ибн Сири айтади: «Илм – диндир. Динларингизни кимдан олаётганингизга қаранглар».

✓ Ҳар бир ўқиладиган, кўриладиган ва эшитиладиган нарсаларнинг барчаси динимиз руҳсат берган нарсалар бўлиши керак. Одамлар кўрмаса ҳам, Аллоҳ кўриб турганини эсдан чиқармаслик лозим.

✓ Ўзгалар билан яхшилик ва тақвода ҳамкорлик қилиш ҳамда ёмонлик ва душманликда ҳамкорлик қилмаслик зарур. Аллоҳ таоло айтади: **«Яхшилик ва тақво йўлида ҳамкорлик қилинг. Гуноҳ ва душманлик йўлида ҳамкорлик қилманг»** (*“Моид” сураси, 2-оят*).

✓ Ижтимоий тармоқлардаги материалларга «лайк» босиш ёки «улашиш»дан эҳтиёт бўлинг. Агар сиз «лайк» босаётган ёки улашаётган чиқишларда ман этилган материаллар бўлса, уни бошқаларга тарқалишига сабабчи бўласиз. Бундай иш билан ўзингиз ва яқинларингиз ҳам эътиқодий ҳам жиний хатарга қўйманг!





ЭКСТРЕМИСТИК ОҚИМЛАР ФАОЛИЯТИГА ҚОНУНИЙ БАҲО:

Экстремистик оқимлар фаолиятида турли шаклларда иштирок этиш Ўзбекистон Республикаси Жиноят Кодексининг қуйидаги моддалари асосида жинойий жавобгарликларга олиб келади:

❶ 154-1-модда. Чет давлатларнинг ҳарбий хизматига, хавфсизлик, полиция, ҳарбий адлия органлари ёки шунга ўхшаш бошқа органларига хизматга кириш, ёлланиш;

❷ 156-модда. Миллий, ирқий, этник ёки диний адоват қўзғатиш;

❸ 159-модда. Ўзбекистон Республикасининг конституциявий тузумига таъжовуз қилиш;

❹ 216-модда. Жамоат бирлашмалари ёки диний ташкилотларни қонунга хилоф равишда тузиш;

❺ 216-1-модда. Ғайриқонуний жамоат бирлашмалари ва диний ташкилотлар фаолиятида қатнашишга ундаш;

❻ 216-2-модда. Диний ташкилотлар тўғрисидаги қонунчиликни бузиш;

❼ 244-1-модда. Жамоат хавфсизлиги ва жамоат тартибига таҳдид соладиган материалларни тайёрлаш, сақлаш, тарқатиш ёки намоиш этиш;

❽ 244-2-модда. Диний экстремистик, сепаратистик, фундаменталистик ёки бошқа тақиқланган ташкилотлар тузиш, уларга раҳбарлик қилиш, уларда иштирок этиш;

❾ 244-3-модда. Диний мазмундаги материалларни қонунга хилоф равишда тайёрлаш, сақлаш, олиб кириш ёки тарқатиш;

❿ 246-модда. Контрабанда (... диний экстремизм, сепаратизм ва ақидапарастликни тарғиб қилувчи материалларни Ўзбекистон Республикасининг божхона чегарасидан ўтказиш).



Диний-маърифий сайт ва ижтимоий тармоқлар рўйхати



Жаҳолатга қарши маърифат йўналишидаги маълумотлар базаси

Шаръий савол-жавобларга ихтисослашган сайтлар, ижтимоий тармоқлар, ботлар ва Кол-марказ: **(78) 150-33-44**,
Fatvo.uz, savollar.muslim.uz,
<https://t.me/diniysavollar>,
<https://t.me/muminalaruzb>



Муфтий Нуриддин домла ҳазратларининг "Исламда ватан тушунча" китоби



«Ҳизбут-тахрир» фитнасидан огоҳлантириш номли китоб



Электрон китоблар



Шайх Муҳаммад Содиқ Муҳаммад Юсуф раҳимахуллоҳнинг "Дин насиҳатдир" китоби



"Ихтилофлардан сақланайлик"



"Оилада фарзанд тарбияси" (1-3)